

TROISIEME PARTIE

se soit bien succedee: car s'ils n'eussent esté prompts à la main, sans faute c'estoit fait deux.

Ce mesme iour vinsmes sur le soir au costé d'Ouest du port de glace: ou nous avons hyverné en grande pauvreté, misere & facherie; & fut à lors le vent Estnoirdest.

17 d'Aoug. Le 17. d'Aougst la glace environna la navire, & le temps estoit bonasse: nous descendismes en terre: & quand nous fumes quelque espace allé dedens le pays, il commença moyennement à venter du Sudest, & la glace à se mettre contre le costé de la navire, & haulloit la proue de la navire bien quatre pieds: estant la partie de derriere comme si avec la poupe elle eust esté mise sur le fond, tellement qu'il sembloit que la navire y devoit perir, cuydans que la navire estoit crevec: mais y venants, nous la trouvames mieux disposée, qu'avions esperé:

18 d'Aoug. Le 18. iour d'Aougst, la glace l'en est vn petit en allée, & la navire s'est redressée: mais avant qu'elle l'estoit redressée, Guillaume Barenton & l'autre Pilote, avoyant visité le costé de la navire, pour scavoir la disposition d'elle, & combien qu'elle estoit haulcée: & en la visitant à genoux, la navire donna si grand esclat, qu'ils cuydoÿt avoir perdu la vie, ne sachans où se sauver.

19 d'Aoug. Le 19. d'Aougst quand la navire fut redressée, nous fismes grands appareils avec massues de fer, & autres instrumens, pour rompre les glaçons, qui s'estoyent mis l'un sur l'autre: mais cestoit en vain, & peine perdue: de maniere que fumes necessitez de remettre la chose en la main de Dieu, & attendre de luy l'ayde & secours, car de la glace n'est en alla pas tant, qu'il nous pouvoit ayder,

Le 30.

Pour cest comment nous fumes environnés de la glace, au pres le port de glace, tellement que ne pouvions nulle part naviger, & que toute la paine, & tout nostre travail, que nous fismes pour nous delivrer de la glace, & faire ouverture, fut en vain: & comment avions presque perdus trois hommes, quand la glace commençoit à flotter, neust esté qu'ils eussent par un sault de hasard en flottans pres de la navire saisis le bec, le cor de du voile, & celle qui par derrière estoit pendante hors de la navire, & ainsi entrez en la navire: ce qui estoit horrible à voir.

